

Ս Ե Ղ Մ Ա Գ Ի Ր

ՀՀ ԳՆ ջրային տնտեսության պետական կոմիտեի կողմից 2015 թվականին կատարված հիմնական աշխատանքների հաշվետվության

2015 թվականին կոմիտեի կողմից ապահովվել է ՀՀ կառավարության 2015 թվականի հունվարի 15-ի N 111-Ն որոշմամբ հաստատված հավելվածներով ՀՀ կառավարության 2015 թվականի գործունեության միջոցառումների ծրագրի և գերակա խնդիրների կոմիտեին վերաբերող (ՀՀ կառավարության 2015 թվականի գործունեության միջոցառումների ծրագրի և գերակա խնդիրների N 1 հավելվածի 67-րդ կետ և N 2 հավելվածի 36-րդ և 37-րդ կետեր) պահանջները:

Ջրային տնտեսության ոլորտում ջրային տնտեսության պետական կոմիտեի համակարգմամբ 2015 թվականի ընթացքում կատարվել են հետևյալ հիմնական աշխատանքները.

1. ՀՀ կառավարության 05.12.2013թ. «Հայջրմուղկոյուղի», «Լոռի-ջրմուղկոյուղի», «Շիրակ-ջրմուղկոյուղի» և «Նոր Ակունք» փակ բաժնետիրական ընկերությունների մասնավոր կառավարման շարունակությունն ապահովելու մասին» N 1366-Ա որոշման հիման վրա «Հայջրմուղկոյուղի» («ՍԱՈՒՌ Ս. Ա. Ս.» կազմակերպության հետ), «Լոռի-ջրմուղկոյուղի», «Շիրակ-ջրմուղկոյուղի» և «Նոր Ակունք» ՓԲԸ-ների («Էմ Վի Վի դեկոն Ջի Էմ բի Էյջ», «Էմ Վի Վի Էներջի Էյ Ջի», «Էյ-Ի-Ջի-Սերվիս», «ՍԱՈՒՌ Ս. Ա. Ս.» կոնսորցիումի հետ) մասնավոր կառավարման շարունակականության ապահովման նպատակով երկարաձգվել են կառավարման պայմանագրերը, որոնց շրջանակներում ապահովվել է ջրամատակարար կազմակերպությունների արդյունավետ տնտեսական բնականոն գործունեությունը: ՀՀ ջրային օրենսգրքը, դրան առնչվող իրավական ակտերը և ջրային ոլորտի ռազմավարությունը միմյանց հետ ներդաշնակեցնելու համար ընդունվել է «ՀՀ ջրային օրենսգրքում փոփոխություններ և լրացումներ կատարելու մասին», «Լիցենզավորման մասին» ՀՀ օրենքում փոփոխություն և լրացում կատարելու մասին», «Վարչական իրավախախտումների վերաբերյալ ՀՀ օրենսգրքում փոփոխություններ կատարելու մասին», «Հանրային ծառայությունները կարգավորող մարմնի մասին» ՀՀ օրենքում փոփոխություն կատարելու մասին» և «Պետական տուրքի մասին» ՀՀ օրենքում լրացում և փոփոխություն կատարելու մասին» ՀՀ օրենքները:

Ջրամատակարարման ոլորտում պետական-մասնավոր գործընկերության հետագա զարգացման նպատակով ընդունվել է ՀՀ կառավարության 15.10.2015թ. N1233-Ն որոշումները: Ընդունվել է նաև «Ջրամատակարարման և ջրահեռացման ոլորտի ռազմավարությանը և ֆինանսավորման ծրագրին հավանություն տալու մասին» ՀՀ կառավարության 13.08.2015թ. N38 արձանագրային որոշումը: Վարձակալի ընտրության գործընթացը կազմակերպելու նպատակով մրցութային կարգով ընտրվել են մրցութային փաթեթը պատրաստող (1. Անցումային խորհրդատու), աուդիտ իրականացնող (2. Տեխնիկական աուդիտի խորհրդատու) և գույքի (3. Գույքի վերագնահատման և գրանցման խորհրդատու) միջազգային խորհրդատվական կազմակերպություններ: Հայտարարվել է վարձակալի ընտրության նախատրակավորման հայտարարություն:

2. Ոռոգում ջրառ իրականացնող «Սևան-Հրազդանյան-ջրառ» և «Ախուրյան-Արաքս-ջրառ» ՓԲԸ-ների, ինչպես նաև ոռոգման ջուր մատակարարող 37 ՋՕԸ-ների գործունեությունների արդյունքներով ապահովվել է կայուն ջրամատակարարում: Ոռոգման համակարգի կազմակերպությունների գործունեության արդյունավետությունը բարձրացնելու, ինչպես նաև վերահսկողությունն ուժեղացնելու նկատառումներով ընդունվել է ՀՀ կառավարության 22.05.2015թ. N422-Ն որոշումը, որով ՀՀ ջրօգտագործողների ընկերությունների և ջրօգտագործողների ընկերությունների միությունների գործադիր մարմին է ճանաչվել ՀՀ ԳՆ ջրային տնտեսության պետական կոմիտեն:

3. Աբու Դաբիի զարգացման հիմնադրամի և ՀՀ կառավարության համաֆինանսավորման շրջանակներում Արփա-Սևան թունելի անհապաղ վերականգնողական աշխատանքների

իրականացման համար 2015 թվականի ընթացքում կատարվել են՝ վտանգավոր հատվածներում նոր ժամանակավոր ամրակապերի տեղադրում՝ 186.956 տ, երեսարկի կառուցում՝ 304.79 գծմ, ցեմենտային և ստուգիչ լցամուղում՝ 3234.13 քմ: Արդյունքում հնարավորություն է ստեղծվել լուծել թունելի առավել վտանգավոր հատվածների անվտանգ շահագործման հարցերը:

4. **Համակարգի կազմակերպությունների հիմնական գործունեության վերլուծությունը ցույց է տալիս**, որ իրագործվում են հաստատված ծրագրերը՝ տալով զգալի դրական տեղաշարժեր:

Հավաքագրումների գծով 2015 թվականի համակարգի գանձումը կազմել է շուրջ 21.81 մլրդ դրամ՝ 2014 թվականի 21,28 մլրդ դրամի փոխարեն կամ ավել է գանձվել 530 մլն դրամ: Խմելու ջրի մասով գանձվել է շուրջ 17.58 մլրդ դրամ՝ 2014 թվականի 17.17 մլրդ դրամի դիմաց կամ ավել է գանձվել շուրջ 417 մլն դրամ, իսկ ոռոգման ոլորտում գանձվել է 4.23 մլրդ դրամ: Խմելու ջրի ոլորտում գանձման տոկոսը 2015 թվականին կազմել է 96.14 %, իսկ ոռոգման ոլորտում գանձման տոկոսը 2015 թվականին կազմել է 81.27 %: Հաշվի առնելով 2015 թվականի սակավաջրության և եղանակային անբարենպաստ գործոնները՝ համակարգն ունեցել է էլեկտրաէներգիայի գերաճախս: 2015 թվականին էլ.էներգիայի ծախսը կազմել է 226 մլն կՎտ.ժամ՝ 2014 թվականի 171.2 մլն կՎտ.ժամի դիմաց կամ ավել է ծախսվել 54.8 մլն կՎտ.ժամով:

Խմելու ջրամատակարար կազմակերպությունների մասով ապահովվել է ջրի որակի համապատասխանությունը գործող ստանդարտներին:

5. 2015 թվականին ջրային տնտեսության համակարգի կազմակերպություններով ՀՀ պետական բյուջե է փոխանցվել շուրջ 5.01 մլրդ դրամի հարկեր, տուրքեր և պարտադիր վճարներ:
6. Խմելու ջրամատակարար կազմակերպությունների սպասարկման տարածքներում տեղի են ունեցել ջրամատակարարման տևողության ավելացումներ:
7. Սևանա լճից օրենքով սահմանված կարգով բաց է թողնվել 167.743 մլն մ³ ջուր: Սևանա լիճ է տեղափոխվել 109.45 մլն մ³ ջրաքանակ: Սևանա լճի մակարդակը 31.12.2015թ. կազմել է 1900,19 մ:
8. Կատարվել է ջրամատակարար կազմակերպությունների միջև գույքային հարաբերությունների և պարտավորությունների ճշգրտումներ: Շարունակվել է բարելավվել հաշվառման համակարգը: Խմելու ջրամատակարար կազմակերպությունների սպասարկման տարածքում բաժանորդների մոտ տեղադրված են 862737 հատ ջրաչափական սարք, որը 2014 թվականի համեմատությամբ ավել է 34363 հազարով: Ջրաչափությունը կազմում է 93.2 %:
9. 2015 թվականի ընթացքում կառուցվել, վերականգնվել և վերանորոգվել են շուրջ 1830 կմ խմելու, կոյուղու և ոռոգման խողովակաշարեր, ջրանցքներ և ջրատարներ:
10. ՎԶԵԲ-ի և ԵՆԲ-ի ֆինանսավորմամբ Ջերմուկ և Դիլիջան քաղաքներում շահագործման են հանձնվել կեղտաջրերի մաքրման կայաններ:

Ջրամբարաշինության և ենթակառուցվածքների արդիականացման ծրագրերի նախապատրաստման ուղղությամբ (Կապս, Վեդի, Մաստարա և Եղվարդ) իրականացվել են համապատասխան աշխատանքներ: **Մեղրու ինքնահոսի** կառուցման շինարարական աշխատանքներն գտնվում են ավարտական փուլում: Ընթացքի մեջ են **Քաղցրաշենի, Նոյակերտի**

և Գեղարդալճի ինքնահոսների կառուցման նախագծանախահաշվային փաստաթղթերի կազմման աշխատանքները:

11. Կոլեկտորադրենաժային ցանցի մաքրում և ընթացիկ նորոգում, կոլեկտորադրենաժային ցանցի պահպանում և շահագործում, գրունտային ջրերի մակարդակների և որակի որոշման ծրագրերով իրականացվել են 154.99 կմ ընդհանուր երկարությամբ կոլեկտորադրենաժային ցանցի մաքրման, 29.188 կմ ընդհանուր երկարությամբ դրենաժային ցանցի վերականգնման, նորոգման և մաքրման աշխատանքներ, ինչպես նաև Արարատյան հարթավայրում տեղադրված 450 դիտողական հորատանցքներում իրականացվել են գրունտային ջրերի մշտական դիտարկումներ:
12. Մշակվել են ջրային տնտեսության ոլորտի հետագա զարգացման և կառավարման բարեփոխումների ծրագիրը, սակագնային ռազմավարությունը, ինչպես նաև կայուն ջրահեռացման և կեղտաջրերի մաքրման ազգային ռազմավարությունը:
13. KfW բանկի, Եվրոմիության և Եվրոպական ներդրումային բանկի հետ սկսվել են լայնամասշտաբ ծրագրերի իրականացման աշխատանքները՝ շուրջ 74,0 մլն Եվրոյի չափով, որից 18.5 մլն Եվրոն նախատեսվել է հատկացնել դրամաշնորհի տեսքով: Արդյունավետ են ճանաչվել մի շարք վարկային ու դրամաշնորհային ծրագրեր, որոնք սահմանված կարգով դրված են ընթացակարգի մեջ, իսկ որոշների մասով տարվում են համապատասխան բանակցություններ: Ջրային տնտեսության ոլորտում վերը նշված աշխատանքների իրականացման արդյունքում խմելու և ոռոգման ջրերի մատակարարման, ինչպես նաև ջրահեռացման ոլորտներում 2015 թվականի ընթացքում ապահովվել է համակարգերի հուսալի և անվտանգ շահագործումը, բարելավվել է խմելու և ոռոգման ջրամատակարարումը, իրականացվել է համակարգի անվտանգ շահագործումը, կրճատվել են կորուստները, ապահովվել է էներգախնայողությունը, բարելավվել է ջրի և ծառայությունների մատուցման որակը, ապահովվել է ջրամատակարարման շարունակականության ավելացումը և այլն:

« ԳՆ ջրային տնտեսության պետական կոմիտե